

SANNVTVS, SIVE DE COMPE-
SCENDO LVCTV.



Vm ob luctuosam amantissimi frattis mei mortem graui percusus vulnera dolorosissime confictarer, & acerbo sœuentis fortunæ iictu penè confectus planè iacerem, nullisq; consolationum medelis, aut amicorum solatijs lenior fierem: vt aliquam saltē doloris aberrationem reperiem, ad ea mihi recurrendum animorum remedia esse statui, quæ olim memorie mandata, longo temporis spatio intermissa, iam diu non regustaueram. Ea autem sunt quæ ad se venientibus salutaria & eadem præsentanea diuina pollicetur philosophia. Verebar etenim, & animo cōmouebar maxime, ne posthabitum id & negleḡtum in maius excresceret malum, viresq; tempore non contemnendas affici-
sceret, neque hoc ab re mehercule. nanque sicut in corporum morbis vñuenire percipimus, vt ij ple-
rūq; initio neglecti ad insanibiles sæpius recidere sint soliti ægritudines: ita animoru perturbationes cōmotas, si diutius perseuerēt, moraq; ipsa & assuetudine altiores agant demittantq; radices, tanquā affines fam illis & cognatas temporis diuturnitate factas haud facile postmodū & leui (vt aiunt) bra-
chio euelli extirpari posse. Ex quo magna non immerito postea vitæ consequuntur incommoda. Etenim memorie proditum est nonnullos primis animi perturbationibus tanquā nascenti malo non aduersatos, vniuersas postmodū ætates luctu meroribusq; cōfecisse: plerosq; vero eam ob causam ad insaniam etiā, qua nullum infelicius hominū generi accidere potest malum, deuolutos, omne postea æuum furiosos egisse: ex quibus nonnullos sanè sibiipsis postremo violentas iniecisse manus. Hæc igitur mecum cogitanti, Balbe, & huiusmodi remedia acri & intento perquirenti animo, illorum mihi forte sermonū subiit recordatio, quos superioribus annis cum clarissimo viro Marco Sannuto simili de re domi illius habui, cum ad illum ob acerbā Bernardi fratris mortē mœrore cōfectum, & domi se continentem, officij causa, quod & alioquin sæpe faciebamus, ego & Lucas Bonfius & Alfonsus Paulutius accessissimus: quos in præsentia retractare decreui, tum vt dolori (quod retro dixi) saluta-
riter occurram meo, commotoq; & perturbato animo salubria philosophiæ adhibeam remediā: tum vt intelligas Balbe multum ijs profici posse, si conuenienti admoti tempore, & ab amico prolati ho-
mine, integras vires & legitimū consolationis habuerint pondus: quando hac medēdi ratione virum illum, quem summum cum excellenti eruditione, tum rerum vñ & experientia in Republica Veneta nostra vidit ætas, animi mœrorem, à quo male habebatur, reuocata mentis ratione, omnem postea detersisse, & ab sese procul abieciisse animaduertimus. Et profecto ita se res habet. Vt enim Tragicus inquit Euripides, Medela sermo est mentis affectæ potens, Si molle fandi tempus expectas dari. Ve-
rum vt res hæc ordine procedat suo, & quo tunc acta est modo, vt bene perspici dignosciq; possit, ita nunc etiam agatur, vniuersam disputationem illam, sermonemq; nostrum Socratico differendi more conflatum: quantum memoria id assequi potero, quām breuiter colligam & conscribam, qui hoc fere coepus & pertractatus est modo. Cum enim ad illum (vt dictum est) tunc venissimus, & in superiori ædium porticu pomeridiano eum deambulantem offendissemus, post ea quæ huiusmodi in re fieri dicique solent, vtrinque de more prolata, Quid tu, inquit ille, Leonice, à nobis tam diu abfuisti, vt neque nos (quod sæpe solebas) per tot dies inuiseris, neque amantissimum tui Bernardum meum, qui nuper vita functus est, vel morientem saltē videre curaueris? Nam de Luca & Alfonso minus queror. vt enim in sole euntibus semper corpora comitantur vmbrae: sic ij quocunque ire perrexeris, te consequuntur, & nusquam abscedunt. Tum ego, Videris inquam mihi Marce tui in me muneric omnino oblitus esse, & de me iniuria conqueri. An te fugit me nunc Patauij, vbi philosophiam profiteor, quotidianis lectionibus addictum distineri, neque vñquam discedere posse? nisi si quæ fortasse interuenerint feriæ, quales sunt istæ, quas ob diui Antonij celebres dies, & nundinarum stata solennia, vniuersa ciuitas illa festos & lætabiles agit. Verum vt hæc absentia hinc meæ satis (vt arbitror) legitima est causa, ita nulla profecto esset si pridem Bernardi nostri letalem morbum cognouissem, & non prius illum mortuum quām ægrotantē inaudissem. Sed nescio quo aduerso lugubriq; casu hoc inexpectatum mihi ex improviso inflictum fuit vulnus, vt dupli de causa merito mihi summe dolendum esse nunc iudicem, & quod tali sum orbatus amico, & quod illi quod debui officium haudquaquam præstare potui. Tum ille, Et cognoueram, inquit, Leonice, legitima te causa hinc abesse, & Patauij distineri. Neque istuc etiam dubitabam, te, si de Bernardo quæ acciderunt percepisses, nullis vñquam neque obligationum nexibus, neque lectionum ita adstringi potuisse vinculis, vt non huc ocyus conuolasses. Sed nescio quomodo dolori obsequens meo (& si id iniuria facere me sentio) quos tamen hinc abfuisse compéri (de intimis loquor) dum ille à nobis miserabiliter est ablatus, inofficiosos proculdubio & parum gratos fuisse iudico. Atqui inquam Marce dedecet te, tali præsertim grauitate & prudentia virum, de bene perspectis alioquin & cognitis familiaribus tuis huiuscmodi & sentire sanè & prædicare. Quanquam (vt vera fatear) persuadere mihi vix possum te isthæc de certa animi sententia nunc retulisse. Tum ille, Vera, inquit, narras Leonice, & recte me nosti. nam tali profecto sum erga vos animo. Verū nisi omnia vobiscum & facere & dicere libere me posse considerem, haudquaquam in amicoru numero, & talium

præsertim vos haberem. à verbis igitur meis hæc facebat suspicio, quæ neque serio mehercule, neque
 de certa animi sententia, sed mœroris impulsu & animi ægritudine fuere prolata. Sed vides ne
 Leonice quām graui fortunæ fulmine omnis ferè nostra conciderit domus? De fratre scilicet in-
 quam narras Marce, qui immatura sublatus morte, domesticis quidem omnibus luctum & lachry-
 mas, amicis vero immensum dolorem non immerito reliquisse videtur. Alterum enim mehercule
 præclaræ familiæ vestræ columen est amisum, alterum extinctum est lumen, quod illi sanè de-
 cori & emolumento, patriæ vero laudi & gloriæ, si superfuisset, proculdubio erat futurum. Verum
 isthæc Marce communia cum sint & humana: à viro præsertim forti, qualem te esse non dubito,
 ex quo animo sunt ferenda. Hac enim conditionis lege in hoc mundi theatrum ingressi sumus, ut ali-
 10 quādo inde etiam nobis esset exeundum. Tum ille ex imo suspirans pectore, Quanam, inquit, ratio,
 ne possum Leonice æquo esse animo, aut tantum dolorem constanti mente perferre: qui tali ingenio,
 ea indole, tot virtutibus præditum amiserim fratrem: qui cum mihi natura germanus existeret, ex-
 tate tamen & educatione à me fute filius existimari poterat. Nam cum viginti ferè annis minor
 esset natu, me non aliter quām parentem suum colebat, & præclaris imbutus moribus & insti-
 tutis: in talēm profecto euaserat (vt cætera fileam) qualem vos eum & vidistis, & cognovistis. Quā-
 obrem durus profecto & inhumanus essem, nisi impensis hoc luctuoso illius casu dolerem. Tum
 ego: Magna inquam Marce, magna profecto in illo est facta iactura. Nemo isthuc vñquam
 negauerit, neque ego inficias eo. Sed si dolendum hanc ob causam est (nam de hoc ipso, si vi-
 debitur, mox dicemus) cur non modice potius & humane dolendum est, vt fortibus conuenit
 20 viris: quām propense vt dicas & anxie, quod mulierculas & illis similes homunciones facere a-
 nimaduertimus? Quoniam, inquit ille, non de leui & contemnda re, aut quæ paruo rursus ne-
 gotio reparari possit, dolemus, sed de charissimo sanè amissio pignore, quo nobis perpetuò est carens-
 dum. Tum ego, Quæso inquam Marce, quādo nihil aliud in præsentia est quod potius agamus, respon-
 dere non graueris ad ea quæ te percontari nunc volo. Et quid est, inquit ille, quod huic rei præuertē-
 dum putem, aut quod magis nunc cupiam, quām ex te audire quæ hac de re tibi succurrunt?
 Credibile autem est optima tibi multa in mentem venire, quando non de fece (vt aiunt) sed de lym-
 pidissimo philosophiæ hauris fonte. Et ego, Isthuc inquam in me Marce neque agnoscō sanè,
 neque præ me fero. Optima enim illa quæ dicas, maiores isti & elegantiores profiteantur &
 sentiant: mecum in præsentia satis bene agetur, si illorum vestigia sequitus, mediocria quædam
 decenter inuenire, & recte explicare potero. Tum ille, Exordire modo, inquit, Leonice, & quod
 vis me percontare: ne id quod ex te audire cupio, in longum nimis trahatur. Verum ambu-
 lando ne, an sedendo rem istam transfigere mautis? Ut lubet inquam Marce, & vt isti malunt.
 ego enim ad vtrunque æque sum paratus. Deambulemus, inquit ille, potius, si placet: quan-
 do & huiusc rei conueniens est hora: & vos (vt de te & Luca nostro loquar) peripatetica pro-
 fitentes decreta, libenter id facere verisimile est. Sed iam quod velle dixeras (si videtur) aggredi-
 dere. Tum ego sic quodammodo sum exorsus. Impensis tibi esse dolendum retro dixeras Mar-
 ce ob acerbum Bernardi fratris interitum, quia scilicet non leue quiddam & contemendum,
 sed charissimum pignus amiseris, & quo tibi perpetuò posthac esset carendum. Sunt ne ista
 tua Marce? an quippiam secus ac dictum à te est nunc retuli? Sunt, inquit ille, & id ipsum
 40 vehementer affeuro. Et ego, si doles inquam Marce ob fratris mortem, quod profecto & con-
 sideris, & vt sentio, vehementer facis, de tribus sanè ijs vnum sequi necesse est, aut te id tui ipsi-
 us gratia facere, ita quod tua solum causa doleas, aut illius qui vita functus est, doles gratia,
 aut vtrorunque causa, tui scilicet, & illius. omnis enim qui nos tangit & perturbat dolor, ali-
 quam profecto habere censetur causam, qua nos vellicet, & male habeat. Quid ad hæc Marce?
 Tum ille, Facilis, inquit, Leonice, & ad manum ad huiusmodi quæstionem mihi sanè succurrat
 responsio. Doleo nanque & illius & mei ipsius causa. Tum ego: Videor mihi inquam Marce
 probe tenere quod sentis. Doles enim videlicet tum quia iucunda illius cares consuetudine,
 vsuque & commodis quæ cum domi, tum foris tibi ab illo præsto semper erant: tum quia &
 ijs ipsis illum carere existimas, & cæteris præterea vitæ commodis quæ apud vos ampla sanè
 50 & magnifica conspiciuntur. Spatiosas has dico pulcherrimarum ædium substructiones: magni-
 ficentissimam omnis generis supellec̄t̄ilem: amplissimam familiam: villarum instructissimas amoe-
 nitates: pretiosorum latifundia prædiorum: cæteraque huiusmodi, quæ qui possident, beati &
 felices vulgo esse existimantur. An tibi vilia, inquit, ista Leonice, & pro nihilo ducenda esse
 videntur? quæ nedum vulgus imperitorum, sed omnes etiam appetunt boni! aut quicquam af-
 ferte nunc potes quamobrem isthæc, vt sunt, non censeantur esse bona? nisi fortasse turpis trans-
 fuga fieri cupis, & in porticum è Lycio commigare nunc paras. Vestri enim omnes, quos po-
 litissimos philosophorum non immerito esse iudico, tertiae bonorum classi non minus vere quām
 omnium suffragante consensu illa adscribere dicuntur. Est vt narras inquam Marce. Sed ita hæc
 tamen illi existimant esse bona, vt neque se possidentes felices sanè efficere valeant, & sine illis
 60 etiam vita beata esse possit. Quanquam hoc etiā in loco si cōtendere vellem, iure optimo dicere pos-
 sem, ijs vitæ cōmodis, quibus nihil indigeat, haudquaquam carere mortuos. Verū de ijs alijs, si dabitur:
 nunc ad propositum reuertamur. Dixeras (si recte memini) Marce te vtriusque causa, tui scilicet &

illius dolere. Hoc autem id valet (vt quod ad te attinet, primo videamus) te īcīrco dolere, quia com-
modis multis cum domesticis, tū forensibus quæ tibi ab illo si vixisset perūtura speraueras, posthac
tibi cāredum esse percipis. Vtilitatis igitur tuæ grata, qua illius obitu priuatum te esse sentis, nimis
rum doles, & id immōdice facis. Atqui dolorem nostri causa suscepimus quod modice ferre de-
beamus, imò quām ocyus eum extinguere & abiōcere contendamus, non solum omnes philosopho-
rum omnium clamant scholæ, sed ipsa etiam nobis sanè dictat ratio, ne nos metiplos videlicet ni-
mum amare videamur: quod qui non à se excluderit vitium, omnibus profecto illum vītorum
patere incurſibus est necesse. Qui enim plus nimio se diligit, & charum habet: hunc & iniustum esse,
& timidum, inconstantem quinetiam & incontinentem, summa est necessitas. Tum ille, Videtur,
inquit, sanè Leonice, & tibi prorsus assentior, nostri causa dolorem modicum, vel potius nullum 10
esse suscipiendum. Turpe nanque id esse appetet. Verum istuc quod vltimo conclusum est loco, cum
scilicet qui se diligit, omnibus turpissimum esse vitijs, præcile admodum & subobscure mihi conclusum
esse videtur. Quamobrem rogo te vt illud (si placet) prolixius explices. Et ego, libeater in-
quam istuc faciam Marce, non solum tua, sed Lucæ etiam & Alfonsi caula. quod enim tibi subobscus-
rū est, illis tenebricosum non immerito videri potest. Quare hoc agamus modo. Qui se impēdīo plus
diligit, hūc profecto suiipsius causa nullo delectu omnia & velle & facere credibile est. Hic igitur (vt
hinc exordiar) si amici depositum quippam seruandum acceperit, quod in rem suam facere videa-
tur, nonne diuino humanoque neglecto iure id non minus impudenter quām scelestē negabit? Hac
autem re quid improbius ant iniustius inter homines fieri possit, non video. Idem si latere se crederet,
furabitur. palam etiam rapiet, si id impune facere licebit. Insontes accepto præmio condemnabit:
fana expilabit: patriam pecunia corruptus prodet: & ad summam omnia diuina humanaque lucelli
sui gratia confundet & conturbabit iura. Istæc autem omnia quorsum pertineant, iam intelligere pos-
testis. Iniustissimum, inquit ille, Leonice, nobis planè hominem expressisti. Et profecto ita est inquā
Marce. Sed is etiā eam ob causam timidiſſimus sanè erit. nam vt seipso suisq; diu fruatur commodis,
quæ suiipsius causa vndique exquisitissime diligentissimeque comparauit, neque in amicorum ad-
uersis rebus officium obibit, aut pericula vnquam adibit: (nulli enim nisi sibiipsi est amicus) neque
pro patriæ salute arma capiet, aut in aciem descendet. mortem nanque impensius formidabit, ne re
amata, id est seipso carere cogatur: nihilque non suspiciose, demisse, formidolose aggredietur aut fa-
ciet vnquam. de illius autem inconstantia & mutabilitate, morumque intemperantia, non est quod
pluribus vos teneam. Qui enim se ipsum plus æquo diligit, is nimirum vītae suæ statum fortunæ
semper reflatibus accommodat, & duabus (vt aiunt) sedet sellis, nusquamque stabilem vītae teno-
rem perpetuò cōseruare potest: & cum se charum habeat, omnibus sibi blanditur illecebris, omniaq;
sedulo exquirit illa quæ corporis suauiter famulantur obsequijs. Ex quibus clarissime patere potest,
ne in hæc turpissima delabatur vīta, contaminatusque merito videri possit, dolorem suiipsius causa,
& vt ipse sibiipsi faueat, à viro præsertim probo non esse suscipiendum. Est ne ita Marce vt vidi-
mus! an aliud quippam hac de re audire expectas? Minime, inquit ille. nam in hoc mihi abun-
de satisfactum abs te esse planè confiteor. Sed neque illius qui vita functus est causa (quod etiam te
facere dixeras Marce) impensius tibi dolendum esse nunc assero, ne fortè sapientior quām es, &
quām modestia patitur tua, in præsentia existimari velle videaris, & scientiam rei tibi penitus igno-
rare contumaciter vendicare studeas, vt ridiculus posthac, si secus esset, à prudentioribus non immeri-
to haberí possis. An quicquam est turpius homini præsertim eruditio, quām profiteri quod nesciat,
& de re sibi omnino ignota velle contendere? Atqui neque vulgus imperitorum id facere percipi-
mus. Musicæ enim ignarus neque fidibus canere audet (nisi forte desipiat) neque de rhythmis
harmonicisque modulis iudicium ferre præsumit: saltandi expers & imperitus, de chironomia legis-
bus non contendit: nullusque sanè hominum adeo peruerse depudere didicit, vt eam quam ignorat
artem arroganter sibi vendicare præsumat. An ne ita tibi videtur? Prorsus ita est, inquit ille: sed quor-
sum hæc! Quoniam inquam Marce impensius tibi dolendum esse iudicas eius quo orbatus es gratia,
veluti si exploratum haberes, certissimeque cognosceres illum vel in aliquo esse malo ex ijs quæ vul-
go opinantur homines, vel ijs indigere bonis quæ si viueret, illi abunde suppeterem posse. Id autem
ipsum quonam se habeat modo, & vtrum morte obita melius sit homini an peius, deos quidem im-
mortales cognoscere par est, hominem vero scire neminem merito contendem: nisi forte tu tibi ab
inferis missas habes epistolas, aut de Castore quopiam, qui crebro illas (vt poëtæ narrant) itque re-
ditque vias, quæ isthic gerantur inaudisti. Et quanquam hoc in loco si vellem iure optimo contendere
possem, cum mortuis non male, sed bene potius & feliciter actum esse, tum quia vniuersis vītae ca-
reant molestijs, (Quis enim hic infinitoruī causas non semper habet dolorū? qui morte sola finiri effu-
giq; possunt) tum quia liber animus nullo prorsus impedimento proprijs tunc & peculiaribus frua-
tur bonis. Vbi etiā sancto antiquitatis testimonio ex verissima repetito historia efficaciter vti possem,
quæ Argios fratres, Cleonē scilicet & Bitonem, neenon Trophonium & Agamedem, pietatis, me-
ritorumq; suorū præmiū veluti optimum quiddā mortem reportasse cōstanter affuerat. Cum hæc
inquā in mediū afferre, & sententię suffragari possem meq; (vide q; causæ confidā) omnia istæc in præ-
sentia missa facio, hoc tantū contendō, eos qui in malis esse mortuos, aut bonis omnino illos catere
iudicāt, tū in profundissima erroris versati caligine, tū etiā se scire quod nesciat mēdacerit fingere, tur-

piterq; mētiti. Quod cum cæteris in rebus, tū in hac maxime quæ omnē ferè vitę cōtinet disciplinā, temerariū proculdubio & pernicioſum non immerito eſſe censendū eſt. Non ab re igitur diuinus ille Plato huiusmodi in rebus quas calamitatis & miseriaſ vulgus hominū vocat, quiſcere nos admonet, quippe qui nesciamus quorū illa tendere velint, & vtrū ne bona an māja recte existimari cōuenient: cum & alioquin dolendo etiā nihil proficere valeamus. Mentis enim aciem qua ſapere & discuſſere circa rem illam poſſemus, dolore nimirū offici & hebefcere. Quāobrem in ijs vitæ caſib; iubet nos ille, ceu in tesseræ ludo, ad ea quæ ceciderunt, quomodo dictauerit ratio optime ſe habere, ita noſmetipſos noſtrac; omnia componere & conformare. Ex his igitur (ni fallor) perſpicue ſatis patere potest, in huiusmodi vitæ ſtatibus nullum à nobis iure fuſcipiendum eſſe dolorem, cum neque noſtri, neq; illorum qui vita functi ſunt cauſa (vt viſum eſt) merito dolere debeamus. Satis ne id tibi conculſum videtur Marce: an adhuc aliiquid quæris? Tum ille, Videris mihi, inquit, Leonice, cum neceſſari; diſiuncti vniuersas partes infirmaueris, certissimis Dialecticorū p̄ceptis totū ſanè deſtruixiſſe propositū, & geometrica (vt aiunt) neceſſitate effeciſſe, huiusmodi in rebus minime à nobis dolorē eſſe fuſcipiendū. ſed nescio quomodo dum hēc quidem proferūtur, & in curſu eſt oratio, cedit animus, & illi planē obſequitur & paret: cū vero deficerit, veluti deſultoriū ex alio in aliud refiliēs, moeſoribus ſe denuo & lachrymis transuersum tradit. Et ego, Non eſt mirandum inquam Marce ſi id tibi viſu in recenti vulnere nunc eueniſt, quod illis ferè omnibus accidere videtur, qui hanc rem opinione magis quā ratione perpendere ſolent. Nam ſe ſuac; (vt diximus) nonnulli plus nimirū amantes, & de rerum natura ſecus q̄ par eſt ſentiētes, effuſis nimirū deſiderij ferūtur habenit: & cum naturali ægritudini ſuapte natura modicæ & exili, p̄ræter fas decenſq; opinionum fomenta falſarum ſubmiſſiſtrent, illiq; vano quodam erroris conſenſu agrestes etiam ſepiuſ & immanes miſceant affectiones, ad immodicos poſtea luſtus, turpesc; interdum & foemineos eiulatus & inexplibilia lachrymarum ſtudia non immerito deuoluuntur. Quāobrem non inconcinne (mehercule) hac ſuper re huiusmodi ab Aesopo narratur Apologus, q; ſcilicet cum genitiſ à ſe dijs honores & munia ſingulis aſſcriberet Jupiter, acceſſiſſetq; ad eum cum alijs etiam luſtus, ſibiq; huiusmodi quippiam expoſtulaffet, Iouē dixiſſe hoc ſe illi cōcedere munus, vt ſolis ſcilicet ijs qui voluiffent, & illū elegiſſent, ſemper adeffet. & profecto ita ſe res habet. principio enim vnuſquic; mœrores luſtusq; ad ſe aduocat & admittit, quæ affuetudine poſtmodū, ſi neglecta fuerint, & tēpore cōfirmata, ceu domēſtīca animis familiariac; iam effecta, haudquaquā faciliter inde deiſci extrudiq; poſſunt. Quāobrē ſub ipliſ ſtatiſ initij reſiſte, & obſtare conuenit: & in ipliſ (vt aiunt) animorum limitibus cum agrestibus huiusmodi & feris affectibus conſerendæ ſunt manus, & acriter dimicandum, ne illorum recepto p̄fidiō, & mentis arce occupata, parti rationis experti, & ſurſum verſus cupidis ſemper affectionibus agitatæ, turpiter poſthac ſeruire cogamur. Sed nescio quomodo vulgus hominū, quemadmodum in alijs ferè omnibus, ita hac etiam in re perperam facere videtur. Mæſtis enim tristibusq; amicis, & conſolatione indigentibus, non modo nihil ad minuendum dolorem compescendasque lachrymas afferre conſueunt, ſed potius ad moerentes & orbatoſ accessuri, ſuſpicioſum luſtusq; ſomēta domo ſecum adferunt, atratiq; ſedent cum moeritis & afflictis, lachrymisq; ſuis illorum planē prouocant lachrymas, eiulas tuſq; fouent & adiuuant, & omni proſuſ ſtudio hac in re turgentis animorum intemperantiae ſuffragantur & fauent. Atqui ijdem ipli ſi vicini domum deſlagrantem forte conſpexerint, ocyus accurrūt omnes, & quam quicq; poſteſt ad extingueda incēdia egregiā nauat operam. Amicos autē ægritudine quadam deſlagrantes, & luſtu mœrorisq; inflāmatos, verborum lugubrium efficacia ſuperaddētes fomenta, & ignem (vt aiunt) igni coaceruantes, penitus exurunt, & inſanabile quantum in ipliſ eſt, id efficiūt malum. Tum ille, Eſt profecto, inquit, vt dicis Leonice: & pleriq; hominū opinionibus mœrores & luſtus ſibi comparant & aſſiſſunt, nonnulli q; etiam illos fouent, & in maiu; augere ſtudent. quos merito mehercule dannandoſ eſſe iudico. Veruntamen aduersis in rebus poſitum quempiam non dolere, cum homo natus ſit, vix poſſe fieri contendere: quod tu etiam retro (ſi recte intellexi) breuiter ſanè viſus es tangere, naturales inquiens ægritudines eſſe modicas & exiles, qua de re (niſi eſt moleſtum) aliiquid ex te audire nunc vellem. Tum ego, Rechte quidem inquam existimas Marce, ſi tristibus in rebus naturalem quendam hominibus ſenſum & dolorem adeffe cenes. Non enim ex queru (vt inquit ille) aut ē ſilice nati ſumus. Et Stoicorum inſolentiam illam tanquam feram & immanem aspernandam & explodendam eſſe contendo, quā ſanè & animi duritier quendam, & morum etiam asperitatē ſequi neceſſe eſt. Verum vt hanc non admitto, neque laudo: ita neque quibuscumque tangi frangique doloribus ſanè probo. Neq; enim Crassi ſimilem virum natura philoſophum eſſe volo: neque rurſum Domitiij: quorum alter extincta in pſcinis muræna fleuiſſe: alter vero cum tres extulifſet vxores, neque illachrymas diſciſt. Adſint bona cum venia, animorum motus, affectionesque iſta: verum modicæ ſint eae & exiles, & quæ facile coerceri diduciſſe & in melius conuerſi poſſint. Verum de eiusmodi etiam naturali animorum ægritudine in p̄ſentia aliiquid dicere, cum alioquin ad propositum faciat noſtrum, nulla certe eſt inuidia. Nam illius origine cognita, haud magna cum re ſalutaria illi remedia adhiberi ſanè poſterunt. Hoc autem exordiamur modo: Humanos animos in partes diſtributoſ eſſe duas, omnium mater artium philoſophia nos docuit. Hatum autem altera quidem rationis eſt particeps & confiſij: altera vero horum expers & vacua: & hanc na-

turaliter famulari & parere , illam autem ceu moderatricem & dominam imperare & regere æ quum est . Porro hæc quidem (vt dominam decet) sublimis & alta est , nihil humile , nihil demissum & vile curans . Altera vero illa contrà mollis est , eneuata , humili , languida , quæ vísis opinionibusque pulsata inanibus temere semper agitatur , cum illa prior notionibus & discursibus stabilita certis , nihil nisi quod verum & rectum est , speculetur & sapiat . Quamobrem cum eiusdem philosophiæ verbis palam præcipitur & präfinitur vt nobis meti p̄s imperemus , ceu duo quidam simus , nihil profecto aliud præcipitur , nisi vt consilium stultitiam compescat , & ratio temeritatem coerat & domet . Cum enim in molli illa & humili animorum parte vigeat appetitus , in altera nimirum sedem constituit suam ratio , quæ si (vt pat & decens est) inferiori dominetur illi , eamq; nutu suo moderetur & temperet , tanquam in optimo monarchiæ principatu , vniuersa hominis illius opera recte concinneḡ se habere videntur , & nihil in illo non excussum & elegans reperitur . Quod si secus contigerit , & rationi p̄evaluerit appetitus , ceu effrenis excusso domino equus omnia raptat & dissipat , nihilq; sincerū & stabile , aut pulchrum diutius cōseruare potest : vnde hominis illius vita cum turpis & scelestæ esse percipitur , tum mors etiam infamis & misera post hac consequi animaduertitur . In hac igitur animorum parte (vt ad propositum nostra reuertatur oratio) vniuersa ægritudinum omniū colluuiet , & affectionum mala collocantur initia . Hinc moeres & luētus : hinc suspiciones & formidines : amores quinetiam , & gestientes profuse lætitiae , necnon furores , ambitiones , opum cupiditates , aliaq; multa eiusdem notæ vitia , originem exortumq; suum habere censemur . Quæ tamen animorum affectiones dum modicæ sunt & exiles , naturales proculdubio (vt diximus) & non inutiles etiam illarum nonnullæ quandoq; esse censemur . Si vero temporis diuturnitate , seu peruerso opinionum iudicio altius radices egerint suas , vt extirpari conuellicq; aut vix aut ne vix quidem possint : id autem est cum rationi p̄evaluerit appetitus : tum p̄räter naturam effectæ , in agrestes quasdam & feras euadunt ægritudines , quæ hominis animum nedum in corpore degentem , sed cum exierit etiam , vexant & male habent . An tu aliam ob causam Marce , impiorum apud inferos suppicia & poenas , de quibus cum antiqui ferè omnes , tum nostri non minus concorditer quam veraciter p̄ädicant , à summo rerum opifice constituta esse censes , nisi vt eæ animorum noxæ , siue labes , seu maculae , aut exurantur , aut abluantur , aut quo illi alio modo expientur ? Non enim isthæc in p̄äsentia à nobis pertractanda proponuntur , quæ alio tempore idoneam nocti occasionem non incommode fortasse explicare aggrediemur : sed nunc quod instat agamus . Et Marcus : Recte , inquit , narras Leonice : nam quod pollūctus es , libēter (mehercule) arripui , & id aliquando (vt spero) tuo commodo persolues : nunc quod in manib; est , perfice . Tum ego . Ex superioribus inquam Marce satis clare perspici potest naturales quasdam animorum esse ægritudines , quæ nisi à recto mentis iudicio , veluti ab optimo agricola circunciduntur s̄epius , & ratione , ceu tonsura quadam frequenter coerceantur & mutilentur , p̄räter naturam in agrestes quasdam & feros mentis euadunt morbos , qui per vniuersum postea vitæ curriculum non mediocre nobis negotium facessunt . Quamobrem non leuis à nobis (vt arbitror) ponenda est opera , quin potius totis viribus cōtendendum vt illas quam exiles & castigatas , id est naturales reddamus , ne parti officiant & oblucentur meliori , sed magis illam sequantur , & illi pareant . Ita videtur , inquit ille , & sic esse faciendum planè sentio . Ex eisdem etiam manifestum est , inquam Marce , immo dicas istas animorum ægritudines ex corruptis peruersisq; opinioni fallacijs , & non ex rerum natura temere esse suscepas . Nam vt de proposita loquamur re , & propius ad id quod in manibus habemus , accedamus , tu qui propter fratris amantissimi è vita discessum impensis nunc doles , recentiq; & tumido vulneri non medicinam , sed vnguem (vt aiunt) admoues , tempore profecto lenior fies , & hoc quod nunc turget vlcus aliquando coibit , & ad cicatricem certe perueniet . Quod profecto indicio esse potest non naturalem & insitum , sed aduentitium & opinione suscepptum & accitum hunc esse dolorem . Si enim natura constaret , idem sanè semper esset , eundemq; nimur continuo seruaret tenorem , neq; eum longa dies (quod profecto faciet) vñquam labefactare aut obruere posset . Opinionis igitur Marce vt vulgus imperitum solet , & non rationi potius , vt fortè decet virum , obsequeris , & illi parendum nunc esse p̄äscribes . Atqui turpe sanè est , à tali p̄äsertim viro qualis tu es , quod dies impetratura est , istuc ipsum rationem in p̄äsentia impetrare non posse . Sed esto , fuerit hoc malum . & magnum etiam quantumuis (si videtur) amisisse fratrem , de quo tandem mox videro : nonne id à te aut proculandum omnino , aut æquo saltem ferendum animo erat ? An te p̄äterit prudentis experientisq; officium esse viri (quod ait Plato) aut ingruentia cauere mala , aut si secus euenerit , pro virili ea corrigere , & quam leuissima efficere : aut si neq; id fieri potest , viriliter illa generoseq; sustinere ? Et vt alio etiam in loco idem ait philosophus , Bona quidem à nobis esse optanda , forti autem animo ferenda quæcūq; secus nobis fors ipsa deusq; attulerint . Et profecto ita res habet . Quemadmodum enim corpora quæ nullo negotio frigora & calores sustinere possunt , valida esse , & bene se habere non ab re existimantur , sic animotū natura quæ tristibus in rebus haudquam concidit , sed solidum semper & eundem retinet tenorem , & excellēs profecto , & laudanda esse censemur . Abiectandæ igitur à viris istæ sunt nugæ , & isthæc opinionum ludibria proculanda , humanaque omnia humaniter & æquo animo toleranda . Non enim in conuiuijs solum & lusibus (vt recta dictat ratio) temperatum & abstinentē esse oportet , sed nihilominus in dolore & luctibus turgentis æstum ægritudinis ratione compescere & coercere decet . Quæ tunc non solidæ & veræ amantiā

morum parti repugnat (vt pleriq; falsò existimant) sed incontinenti & eueruatæ & humili. illi namq;
 priori rem gratam facimus, si modice desideremus: si colamus: si meminerimus illorum quibus orbati
 sumus: non si lugubriter conqueramur, & nosmetipos male multemus. Sed nescio quomodo huius-
 modi luctus, lachrymarumq; affectio, & propensum ad lugubres eiulatus desiderium, cum neque mi-
 nus turpe, neque secus damnandum merito esse censetur, quām vchemens circa corporeas volupta-
 tes & proclive studiū, haud tamen ita vulgo existimatur. Nam in voluptatibus quidem nimium quē-
 que & profusum omnes nimirum reprehendunt & damnant: plus nimio autem huiusmodi in rebus
 dolentibus & affectis concedunt, & misericorde etiam fauent, quoniam illis erumnas & mœrores con-
 uenire credunt qui charissimis fuerint orbati pignoribus. sed profecto (pace eorum dixerim) nimirum
 10 quantum sibi non constare illi, & nullo rerum delectu contraria inter se & pugnantia etiam facere vi-
 dentur. Quid enim per deum immortalem absurdius, & à recta ratione alienum est magis, quām à
 probis quidem & graibus viris insultos cachinnorū modos, & profusam gestientemq; auferre lāti-
 tiā: nulla autē lege luctus immodicosq; mœrores restrenare, & inanes cōpescere lachrymas, quāe non
 minus ex eodem incōtinentiā fonte scaturiunt & emanāt: Et foeminis quidem viros vnguentorū lasci-
 uiam, & gemmarum sumptus, & purpureas obiectare vestes, nihil autem curare si in ægritudine lu-
 ctuq; posita genas sibi vnguibus radant, aut capillos manu vellicent, humicq; cubent, & in puluere se-
 deant? Tam enim dedecet hoc quām illud: & vtrunque infrenis animi, nulliq; obedientis rationi cer-
 tissimum est indicium. Atqui si pueros quispiam suos, aut seruitia huiusmodi iniuria cogat preferre
 mala, bonorū reprobationem non immerito subeat. Quāe tamen vulgi fauore & plausibus mœrentes
 20 nonnulli in seipso turpiter patrare videntur, quo præsertim tempore laxatione quadam & humani-
 tate potius esset vtendum. Quod aliquin amoris etiam & benevolentiæ erga vita funētos manifestū
 esset indicium. Amor enim, & vera animi benevolentia immodicos luctus & inanes non querunt la-
 chrymas. pulchræ namq; sunt & laudabiles illæ animorum affectiones: pulchra autē & honesta haud
 quaquā indecora & turpia, qualis omnis sanè est perturbatio, expetunt & exquirunt. Sed nos (vt retro
 diximus) opinione sequuti inanes, naturali animorū ægritudini modicæ alioquin & exili præpostera
 subministramus fomenta, illiq; immanes commiscemus affectus, ex quibus omnia nimirum quāe re-
 censuimus consequuntur mala. Sed iam receptui si placet canamus: & quoniā de compescendo luctu,
 minuendisq; animorum cupiditatibus, pro mediocritate nostra satis (vt arbitror) est pertractatum,
 tempus admonet vt quod ante polliciti sumus, nunc exequamur: id autē est, vt nedum non male, sed
 30 optime potius cum ijs qui vita functi sunt, actum esse ostēdamus, illosq; felices & beatos merito præ-
 dicemus, ne hoc etiam consolationis remedio disputatio nostra nunc careat: quāe non solum immo-
 dice non dolēdum ob nostrorum hinc abscessum, & mortem, sed neq; dolendum quidem, imò potius
 lētandum gaudendumque esse suo iure contendit. Quo in loco celebrem illam Socratis iam morte
 mulctati distributionem qua apud iudices usus est, pluribus adducere possem, mortem scilicet alterū
 de duobus necessario esse, aut omnimodam sensuum omnium priuationem, placidissimo profundissi-
 moq; somno simillimam, qua nihil (mehercule) posset esse iucundius: aut migrationem quandam in
 eas auras quas qui vita excesserunt incolunt: quod expediens & optimum proculdubio existimandum
 esset, vt cum à vinculis & carcere liberi exierint animi, ad proprias peculiaresque posthac sedes com-
 migrare possint. Sed cum hac de re luculenter sanè & copiose cum à græcis, tum à latinis rerum scri-
 40 ptoribus memoriae proditum sit, ad illos recurrendum esse censeo: nobis id tantum in præsentia deli-
 basse sufficiat, cum ad alia præsertim ijs non minora nostra festinet oratio, quorum vel præcipuum
 istuc esse censetur. Cum enim hominū generi nihil vel maius vel præstabilius à dijs immortalibus cō-
 templatione liberoq; mentis motu concessum esse constet (illo enim cum rerum naturam & causas,
 cœlestiacq; omnia, tum ipsos cognoscimus & percipimus deos: illisq; similis hoc tantum opere huma-
 nus efficitur animus, cum temporis scilicet puncto terras percurrit & maria, diuinaque acie sua spe-
 stat & contemplatur essentias) cum hæc inquam animorum motio incitatorum, quām contempla-
 tionem vocamus, deorum munere humanis sit permitta & tradita animis, haudquaquam si recte in-
 contamineque illa vti possunt, nisi prius quantum fieri potest à corporum contagio sese liberent &
 expediant, eorumque aspernentur confortia. Infinitas enim nobis molestias (vt ait Plato) & impedi-
 50 menta varia moles affert corporea, & ob necessariam esculentorum poculentorumque indigentiam
 plurimum nobis facessit negotijs: ad hæc morborum diuersa genera inde nata nobis proculdubio sunt
 impedimento, ne veras intelligere contemplariq; rite valeamus essentias. Cupiditatum præterea &
 inanum desideriorum varia examina idem nobis adducit corpus. Timores quietiam, & imaginosa
 mentis ludibria, ceteraque huiusmodi deliramenta continuo nobis affert. Quamobrem id quod
 à plerisq; dici cōtendiq; solet, haudquaquam falsò (mehercule) dicitur, quod scilicet nequaquam cum
 illo vere sapere liceat. Nihil enim aliud quām corpus & illius affectiones cupiditatesq; variæ, seditio-
 nes in nobis conflant & prælia. Nanque pecuniarum opumque gratia omnes ferè bellorum excitan-
 tur causæ: has autem corporis gratia expeti manifestum certe est, dum illius libidini & cupiditati-
 bus obsequi cupiunt homines: vnde philosophie contemptum posthac sequi necesse est. Et ad summā,
 60 si quippiā nobis ab illo aliquando ad modicū tempus conceditur otij, & ad aliquid exquirendum per-
 scrutandūve excitus intenderit animus, illico irruens corpus intēpestiue cōturbat & dissipat omnia,
 tumultusq; & turbarum ita nos replet, vt minime quod verum est & pulchritū dignoscere valeamus.

Quamobrem certissime est tenendum, si veri quipiam indagatur perspecturiq; sumus, ab illo penitus nos liberari absoluic; oportere, ita vt ipso animo res ipsas libere & expedite cōtemplari possimus. Tunc enim nobis id quod tota mente cupimus, & cuius miro flagramus desiderio, facile concedetur. Quare post obitum (vt vera dictat ratio) nobis prēsto erit prudentia, quam dū viuimus certe habere nō possumus. Si enim à corporeo oppressis mole recte aliquid sciri haudquaquam potest, ex duobus sanè alterū sequi necesse est, aut nunquā scire cōtingere homines, suoc; penitus frustrari desiderio, aut morte obita id illis nimirum accidere. Et ita profecto rem se habere verisimile est. Tunc enim per se liber animus, & à corporis seiugatus contagio, nullo impedimento res agit suas: prius autem haud, quaquam potest. Cuius rei vel euidentissimum est indicū, quo scilicet tempore hic sumus, quām fieri potest ad scientiam proxime nos accedere, quantum à corporis societate quām longissime abductus fuerit animus. Id igitur omni studio nobis est contendendum, si ijs similem volumus agere vitam: à corporeque quām remotissime seiugandus est animus, nisi quantum necessarius illius nos coegerit cultus. Habes nunc Marce hac de re Platonicam, id est naturae ipsius certissimam sententiam, quam meo more sensa magis quām verba secutus, quanuis & illa quoque, conuerti, & latina feci. Ex qua liquidō patere potest peculiare animorum bonum, in cuius perfecto exactoq; opere perpetua illorum summāq; consistit felicitas, non prius illis posse cōtingere, quām è corporeis vinculis, ceu è tenebroso euolantes carcere, soluti & liberi ad illas sanè redierint oras, vbi beatam posthac stabilem; illis degere vitam concessum est. Hoc enim in loco veluti extores & profugi, neq; bene profecto se habēt, neq; recte sapere possunt: sed hebetes sanè & cæcutientes, quæ clarissima alioquin dei & naturæ sunt opera, veluti in caligine solem cernunt, & cōiectantes magis quām intelligentes, rerum essentias percipere valent. Non ab re igitur diuinus ille Socrates hanc rem innuere volens, vniuersam philosophatiū vitam mortis commentationem esse dixerat. Quid enim aliud agunt ij cum à voluptatibus, id est à corpore, cum à re familiari, quæ ministra & famula est corporis, cum ab huiusmodi denique omnibus animum seuocant suum, q̄ illū secum esse cogunt, & à corporis societate q̄ maxime possunt abducunt! Secernere autem à corpore animum quid aliud est, q̄ emori discere, & mortem (vt inquit ille) commentari! Et profecto ita res se habet. Ex ijs enim vinculis emissi animi, qui eousque pro mortuis haberi poterant, tunc demum viuere incipiunt, & perenni agitati motione, quæ illorum est vita, vegeta naturæ suæ opera recte perficere & exercere valent. quod in legibus etiam testatur Plato, res. Etia mentis sententia inquiens se contendere animi cum corpore coniunctionem haudquaquam dissolutione esse meliorem. Quamobrem dolere & conflictari propter illorum à corpore discessum, nihil aliud profecto esse videtur, quām illis proprium inuidere bonum, quo dum carent, nihil aliud sanè quām debiles & manci (ne miseros & infelices dicam) merito existimari possunt. Ut igitur si quispiā fratre suo multum post tempus peregre reuerso, cum gratulari gaudereq; deberet, præpostere agens lamentaretur & flet, is merito stultus & ridiculus ab omnibus haberetur: ita profecto qui mortuos luget suos, non modo quid melius illis fuerit ignorare, & stulte quodammodo illis inuidere, sed ridicule etiam despere censendus est. Verum hoc in loco Marce illorum sese mihi offert ratio, satis arguita illa quidem, sed, vt videbitur, futile & falsa, qui ideo mortuos lugendos esse censem, quoniā cum prius illos impēsius amassent, charosc; habuissent, illis orbat, erga quos huiusmodi exerceat affectus non habere se dicūt: quicq; asserunt si remouendus omnino sit dolor, amorem quoq; & humanitatem à rerum natura esse tollenda, vt nulla interueniente benevolentia aut animi charitate, cum nostris fēraru more viuamus. Quibus ego quanquā satis in ijs quæ antedicta sunt responsum esse non dubitē, vanis scilicet illos opinionibus laborare, neq; quicquam pensi habere quid, aut quomodo amandum: & de quo, aut quantum sit dolendum: nihilominus vt mortuos etiam ij aliquando amare discant suos, nihil opinor prohibet vt hæc etiam pauca ijs quæ præmissa sunt subtexantur, quod amare scilicet illos qui è vita excesserunt, nulla est inuidia, quos etiam quantū voluerint charos habere possunt, dummodo sciāt q̄ amare vita functos, & illorum desiderio teneri, nō est (vt recta dictat ratio) illorū gratia conflictari & extabescere, lamentabilesc; eiulatus emittere: sed potius quantum fieri potest, grata illorum recordatione perfrui, & illos incessanter laudare, id est illos diligere, venerari, colere. Nullius enim probi viri à vita vinculis exitus lachrymis est dignus, sed laudibus: nec turpi luctu & mœroribus anxijs mortui prosequendi, sed iucunda potius perenni; memoria sunt celebrandi: cum alioquin à calamitatibus humanisq; miserijs quas in hac vita subire necesse est, seiugati & liberi, ad meliorem (vt retro diximus) beatioremq; transferint vitæ statum. Quāobrem præclaro (mercuriale) morum instituto apud Lycios lege sanctum fuisse memorie proditum est, vt si quis mœroribus lachrymisq; operā dare vellet, haud aliter id illi quām muliebri sumpto habitu palam facere liceret, insigniter (vt arbitror) hoc declarantes decreto, ægritudinem hanc non vitis sed mulieribus potius conuenire. Et profecto ita se res habet. Muliebris enim & eneuata & vilis admodum isthæc animorum est perturbatio, haudquaquam generosam sublimem; illorum indicans naturam: & idecirco foeminas videmus viris in luctum propensiōres, & querulas esse magis. Hoc etiam in Barbaris ipsis Græcorū Italorumq; collatione animaduertere licet: quin & in ijs ipsis qui præstatiōres animis esse censem, vt Galli, & Germanorum natio, minus luctibus vacare dicuntur, quām ij qui imbellies & formidolosi existimantur: quales Aegyptij, Lydij, Syriq; esse perhibentur. Horum namq; nonnullos aiunt post charissimorum funera pignorum foueas cuniculosq; subintrare quosdam, & ibi quamplu-

rimos latitare dies, ne solis scilicet lumen conspiciant, quando vita functum illo priuatū esse sentiūt.
 Sed quid ego hæc tibi Marce in præsentia recolo, quæ bene tibi perspecta sunt & cognita? An mihi dubium est istam in te omnium bonarum artium eruditionem, rerum maximarum experientiā, animi firmitudinem & constantiam penè singularem, huiusmodi consolatione non nimis egere? Nā de religione, & tua erga Deum optimum Maximum pietate nunc taceo, qui huiusmodi in rebus, & in hoc præcipue (vt audio) casu, patientissima illa, & vere sancta verba crebrò usurpare soles, Dominus dedit. Dominus abstulit. Sicut Domino placuit, ita factum est. Hæc enim profecto vera est philosophia, qua nullum hominibus præstantius datum est bonum. Hoc vel maximum (mehercule) sapientis officium, cum commoda acceperis plurima, aduersa etiam patienter & æquo animo sufferre posse: & non minus horum causa quām illorum dijs gratias agere. Ingrati enim & contéptoris profecto animi esse arbitror, præteriorum quidem commodorum velle obliuisci, & solius habere rationem detrimeti. Non enim si quipiam quod cupimus, prodiga nobis fortuna nō dederit, iccirco quē prius nobis præstata sunt commoda, floccifacere & contemnere nos conuenit, sed præteriorum potius bonorum memoriam grato recolentes animo, præsentia qualiacunq; fuerint componere, & si quid Deus aut fortuna secus voluere quām cupimus, æquo id animo & inconcussa mente ferre debemus. Semper enim constans erga Deum animus, variantiq; fortunæ intrepidus, non deiectus, non querulus, cum cæteris in rebus omnibus, tum maxime in huiusmodi vberes sanè constantiæ suæ decerpit fructus. Segregans nanc; se ab istiusmodi (vt dictum est) mentis perturbationibus, ceu à caligine quadam vitæq; tenebris quæ totum inuoluūt conturbantq; hominem, & ad lympidissimam se transferens mentis tranquillitatem, aut dolorosum à se penitus expellit omne, aut contrarij saltem commixtione mancum illud & imbecille omnino reddere consuevit. Et quēadmodum pretiosi vis vnguēti semper quidem suapte natura odoratum demulcit & afficit, ad fœtida autem & male olentia nobis sanè succurrit & remedio est: ita bonorum memoria cū semper deleget & mulceat, in malis positos etiam subleuat, iucundamq; illorum molestiæ affert medelam: illis inquam qui recordari potius suorum volunt bonorum, quām malorum, quæ ad se, id est animum suum nihil pertinent, meminisse. Quod probis viris virtuteq; præditis, qui cum multa, tum etiam præclara in se habet bona, quām maxime facere conuenit. Id autem (vt sæpius dixi) cum vera polliceatur præstetq; philosophia, quæ sola medetur animis: inanes detrahit sollicitudines: cupiditatibus liberat: pellit timores: eo tamen euidentius & exquisitius efficere animaduertitur, quo idoneam magis & excellentem fierit complexa naturam. Quæ cum essent dicta, & iam satis deambulatum videretur, idemq; omnibus placuisse, in cubiculum ire perreximus, quod in porticus latere collocatū, varijs mathematicorum monumentis, instrumentorumq; præclaris operibus erat refertum: vbi cū resedisset Marcus, & nos itidem fecissemus, Ne viuam, inquit ille, Leonice, nisi hæc tua oratio & mirifice placuit, & plurimum etiam mihi moeroris ademit. Optime enim & diligenter à te collecta sunt omnia, quæ non ad minuendum, sed ad tollendum etiam & stirpitus eradicandum euellendumq; dolorem meo quidem iudicio præclare & efficaciter faciūt. Et profecto ita se res habet. nam si quis (vt recte ante dīstū est) philosophia duce & magistra rerum naturam introspicere voluerit, & non oscitâter abstrusas illius causas perscrutari, & inde quod verum est sedulo excutere tentauerit, is profecto opinabile & voluntarium omnem reperiet esse dolorem. Quamobrem si mihi due aut tres huiusmodi contigerint meridianes & ad sedādos animi motus, & ad omnia recte componenda, optime sanè mecum actū iri existimare. Et ego, Nihil hoc inquā fieri prohibet Marce: quare & cras (si ita videtur) & perendie tibi morem gerentes huc veniemus. Sub ijs dictis cum Lucas & Alfonso surrexissemus, & ad sphæram quandā æneam visendam quæ in cubiculi medio collocata erat, accessissent, illiusq; pulchritudinem & exactā artificij diligentiam admirarentur & laudarent, ad illos accedens Marcus, vt qui illius discipulæ inter paucos studiosus erat & eruditus, multa & præclara cum ostendēdo, tum docēdo, quod reliquum diei fuit, nō minus docte quām suauiter & grate cōposuit. Habes Balbe quæ tunc de perturbationibus sedandis, & minuendo luctu, inter me & Marcum fuere disputata: quæ (vt retro dīxi) cum ad illius leuandum ægritudine animum nonnihil contulisse mihi essent visa, in hoc luctuosso casu meo illa repetere, & huic scriptio[n]is stylo mandare sum aggressus. Quod præclare (mehercule) cecidit. Nanc; id (vt vera fatear) tantum mihi remedij sanè attulisse cognoui, vt ne temporis quidem lōginqui medela, qua nihil in huiusmodi re valētius esse perhibetur, mihi certe plus afferre potuisset.